

खबरां

- प्रधानमंत्री नरेंद्र मोदी ते उंदे स्लोवाकियाई हमरूतबा राबर्ट फिको बश्कार दपक्खी बैठक दे केई समझौते पर दस्तखत।
- 52मां जी-7 शिखर सम्मेलन अज्ज फ्रांस दे एवियन लेसबैंस च शुरू, संगठन दे सब्बै मिम्बर मुख्य हिस्सा लै करदे न। भारत इक सांझेदार मुख्य दे रूपै च शिरकत करग।
- अमरीका ते ईरान बश्कार 107 दिनें थमां जारी लड़ाई गी खत्म करने लेई समझौता होई गेआ ऐ, भारत नै समझौते दा सुआगत कीता, समझौते दी घोशणा दे बाद भारती शेयर बजार च भारी उछाल।
- केंद्री खजाना मंत्री निर्मला सीतारमण होरें आखेआ कि मुख्य च अन्नदाने दा सुद्धा भंडार मज्जुद ऐ ते अलीनो दे माडे असर दे बावजूद मुख्य च अनाज दी कमी नेई होग।
- आयुष मंत्रालय नै अज्ज नमीं दिल्ली च 12में अंतरराष्ट्री योग दिवस दे बड्डे पैमाने पर आयोजन गितै कार्यक्रम औपचारिक तौरा पर जारी कीता।
- ब्रिटेन च 16एं बरें कोला हेठली उम्री दे बच्चें लेई सोशल मीडिया प्लेटफार्मे दे इस्तेमाल पर पाबंदी लाई दिती गई ऐ।
- फीफा विश्व कप च अज्ज स्पेन दा मकाबला काबो वर्डे कन्नै होग।

<><><><><><>

PM-Slovakia

फ्रांस ते स्लोवाकिया दी यात्रा पर गेदे प्रधानमंत्री नरेन्द्र मोदी एल्लै 2 यूरोपी मुख्यें दे दौरे दे दुए गेड च स्लोवाकिया च न। प्रधानमंत्री मोदी ते स्लोवाकिया दे प्रधानमंत्री राबर्ट फिको हुंदे बश्कार ब्रातीस्लावा च दपक्खी बैठक बी होई जेदे च दौनें मुख्यें दे सरबंधें गी निगगर बनाने लेई केई उपाएं पर चर्चा कीती गई। मगरा इस सांझी प्रेस वार्ता च मोदी होरें दौनें मुख्यें बश्कार दपक्खी सरबंधें गी नमिएं उंचाइएं पर लेई जाने दा प्रण पाया। उनें नमीं टेकनालजी ते नवाचार, टकोहदा करियै आर्टिफिशल इंटेलीजेंस दे विशे पर लो पांदे होई आखेआ कि ए.आई अपने कन्नै बेशुमार संभावना ते आह्मदी ऐ, पर कन्नोकन्नी केई जिम्मेदारियां ते बसाह भरोसा बी लेई आहंदी ऐ जेडा एहदा सबनें शा प्रमुख ते महत्वपूर्ण पैहलू ऐ। दौनें नेताएं बश्कार एहदे शा पैहले आटोमोबाइल, निर्माण, रक्षा अंतरिक्ष ते रेलवे दे क्षेत्र च आपसी सहयोग बधाने दे तरीकें पर चर्चा होई।

<><><><><><>

Ind. Slovakia Agreements

प्रधानमंत्री नरेंद्र मोदी हुंदे स्लोवाकिया 1 दौरे दरान अज्ज केई महत्वपूर्ण समझौते पर दस्तखत कीते गेन जिंदे च बपार, रक्षा, आर्टिफिशल इंटेलीजेंस ते नवाचार दे क्षेत्र च सहयोग बधाने सरबंधी केई समझौते ते सहमति पत्र शामिल न। मेक इन इंडिया पैहले गी बढ़ावा देने लेई दौनें मुख्यें दे रक्षा उद्योगें

बशकार उन्नत लड़ाकू प्रणालिएं, हल्के टैंकें ते बख्तरबंद गड़ियें दे किट्टे मिलियै सांझे तौरा पर निर्माण ते विकास पर समझौता होआ। एहदे अलावा दौनों मुलखें दे कारोबारिं टकोहदा करियै हल्के दरम्याने ते भलेआं लौहके उद्यमें यानि एम.एस.एम.ई-एं बशकार सरबंधें गी निगार बनाने ते बपार गी बधाने लेई करार कीते गो। इस दरान स्लोवाकिया दी आटोमेटिक महारत ते भारत दे बड़े बजारै बशकार तालमेल बठाने पर बी जोर दित्ता गेआ कीजे स्लोवाकिया भारत गी लगजरी कारां बेचने आह्ला इक प्रमुख मुलख ऐ। एहदे कन्नोकन्नी भारत ते यूरोपी संघ बशकार मुक्त बजार समझौते दिएं संभावनाएं दा सुआगत करदे होई दौनों देशें हरित उर्जा, उर्जा संक्रमण, डिजिटल बदलाव ते आर्टिफिशल इंटेलीजेंस दे क्षेत्र च सांझे तौरा पर अनुसंधान गितै बी सहमति प्रगट कीती ऐ।

<><><><><><>

G-7

52मां जी-7 शिखर सम्मेलन अज्ज फ्रांस दे एवियन-लेस बैस शैहरा च शुरू होई गेआ ऐ। त्रऊं दिनें दा एह आयोजन 17 जून तगर चलगा। फ्रांस 2026 दी जी-7 अध्यक्षता करा'रदा ऐ। अज्ज उद्घाटन मौके फ्रांस दे राष्ट्रपति इमैएअल मैक्रों होरें जी-7 दे नेताएं दा रस्मी तौरा पर सुआगत कीता। इस शिखर सम्मेलन च सब्बै मिम्बर मुलख जिंदे च कनाडा, फ्रांस, जर्मनी, इटली, जपान, ब्रिटेन, अमरीका शामिल न, दे अलावा यूरोपी संघ दे नेता हिस्सा लै करदे न। भारत गी इक सांझेदार मुलख दे रूप च इस सम्मेलन च चेचे तौरा पर साद्दा दित्ता गेदा ऐ। यूगोस्लाविया दा अपना दौरा मकम्मल करने दे बाद प्रधानमंत्री नरेंद्र मोदी होरें कल जी-7 शिखर सम्मेलन च शिरकत करंगन। यूक्रेन रूस, युद्ध कुल संसारी अर्थ बवस्था ईरान कन्नै जुड़े दे मुद्दें पर गल्लबात इस सम्मेलन दे एजेंडे च शामिल ऐ।

<><><><><><>

US-Iran Agreement

अमरीका ते ईरान बशकार 107 दिनें थमां जारी लड़ाई गी खत्म करने लेई समझौता होई गेआ ऐ। एहदे कन्नै गै होमुर्ज जलडमरूमध्य त्रै दिनें बाद यानि शुक्रवारें थमां खुल्ली जाह्ग ते ईरान दे बंदरगाहें थमां अमरीकी नाकेबंदी खत्म होई जाह्ग। अमरीका दे राष्ट्रपति डानाल्ड ट्रम्प होरें इस बारै सोशल मीडिया पर जानकारी सांझी कीती ते दस्सेआ जे समझौते पर 19 जून गी स्विटजरलैंड च दस्तखत होंगन। तोआई, ईरान दी सबने शा बड़ी सुरक्षा परिषद नै आखेआ ऐ कि लड़ाई ते लेबनान सने सबने मोर्चे पर फौजी कार्रवाई अज्जै थमां बंद होई जाह्ग। इस बड़ी खबर दे बाद दुनिया च तेल दिएं कीमतें च कमी आई ऐ। ब्रेंट क्रूड आयल च अज्ज शुरूआती कारोबार च 4 प्रतिशत दी कमी दर्ज कीती गेई ऐ जिसलै कि एशिया दे शेयर बजारें च बी उछाल दिक्खने गी लब्बा ऐ।

<><><><><><>

India-Welcome US Iran Agreement

भारत ने पच्छिम एशिया च जारी संघर्ष गी खत्म करने लेई अमरीका ते ईरान बशकार होए दे समझौते दा सुआगत कीता ऐ। इस संघर्ष कन्नै दुनिया भरै च जबरदस्त ते चिंताजनक आर्थिक संकट पैदा होई गेदा ह। इक सोशल मीडिया पोस्ट च प्रधानमंत्री नरेंद्र मोदी होरें मेद प्रगट कीती ऐ कि जे इस समझौते दे लागू होने कन्नै इलाके च रमानदारी ते स्थिरता ब्हाल होई जाह्ग ते समुंद्री ज्हाजें दी

निर्विघ्न आओजाई ते बपार दी आजादी जकीनी बनोग जेदे नै ना शड़ा पच्छिम एशिया, सगुआं पूरी दुनिया दे बपार कारोबार पर बने दा खतरा ते यक्कोतक्की आहली स्थिति खत्म होग। प्रधानमंत्री मोदी होरें आखेआ कि भारत तनाजे दे बकाय मुद्दे पर आपसी सलाह सूत्र राएं इक स्थाई ते खीरी समझौते दी मेद रखदा ऐ।

<><><><><><>

Agreement India Share Markets

बाम्बे स्टोक ऐसचेंज दा दा सेंसेक्स अज्ज 736 अंक बधियै 76 ज्हार 264 उप्पर बंद होआ। तोआई, नेशनल स्टोक एक्सचेंज दा निफ्टी 231 अंक दी बढ़ोतरी कन्नै 23 ज्हार 854 दर्ज कीता गेआ। अमरीका ते ईरान बश्कार शांति समझौते दी घोशणा दे बाद अज्ज दपैहरी मगरा भारत दे घरेलू शेयर बजार दे प्रमुख सूचकांकें च जबरदस्त उछाल दिक्खने गी लब्बा। सेंसेक्स 932 अंक बधियै 76 ज्हार 460 पर पुज्जी गेआ जिसलै कि निफ्टी 290 अंक बधियै 23 ज्हार 912 दे आंकड़े तगर आई गेआ। कुल संसारी सतह पर कच्चे तेल दिएं कीमतें च बी कमी दर्ज कीती गई। ब्रेंट क्रूड 4 इशारिया 7 प्रतिशत दी कमी कन्नै 83 अमरीकी डालर फही बैरल पर कारोबार करा'रदा हा। सराफा बजार च सुन्ना डेढ प्रतिशत दे बाढ़े कन्नै 1 लक्ख 53 ज्हार 240 रपे फही 10 ग्राम ते चांदी 2 अशारिया 4 प्रतिशत बधियै 2 लक्ख 53 ज्हार 550 रपे किलो पर पुज्जी गई।

<><><><><><>

Nirmala Food Grain

केंद्री खजाना मंत्री निर्मला सीतारमण होरें आखेआ ऐ कि मुलखै च अन्नदाने दा सुद्दा भंडार मजूद ऐ ते अलनीनो दे माड़े असर दे बावजूद बी मुलखै च अन्नदाने दी कोई कमी नेई होग। अज्ज नमीं दिल्ली च आयोजित माइंड माइन सम्मेलन च बोलदे होई निर्मला सीतारमण होरें आखेआ कि सौनी फसलें लेई हैल सुद्दी मात्रा च उपलब्ध ना। उनें आखेआ कि सब्ब जानदे न जे ऐकती मानसून कोई मता खरा नेई रौहने आहला, पर स्हाड़े कश अन्नदाने दा सुद्दा भंडार मजूद ऐ कीजे पिछले बरे असें इसी साम्भियै रक्खे दा हा इस करियै इस बरे मुलखै च अन्नदाने दी कमी नेई होग पर करसानें पर एहदा असर पेई सकदा ऐ। उनें आखेआ कि औंदी हाड़ी फसल लेई हैलें दी सप्लाई दा कम्म इस बरे नवंबर च शुरू होई जाहगा।

<><><><><><>

Nitin Nabin

भारती जनता पार्टी दे राश्ट्री अध्यक्ष नितिन नबीन होरें अज्ज आखेआ ऐ कि सरकार नै पिछले 12एं बरें च देसै दे मध्यम वर्ग गी आर्थिक सुरक्षा, बेहतर सुविधां ते नमें-नमें मौके उपलब्ध कराए न ते एहदे लेई केई क्रांतिकारी बदलाव भारती बवस्थाएं च आंदे ना। अपनी इक सोशल मीडिया पोस्ट च नबीन होरें आखेआ कि सरकार दियां भविक्ख गी ध्यानै च रखदे होई तैयार कीती गेदियां नीतियां मती कारी दियां ते असरदार साबत होआ करदियां ना। उनें आखेआ कि अज्जै दे भारत च सरकार दिएं स्कीमें दा लाहू सिद्दे लाभार्थिएं तगर पुज्जा करदा ऐ। उनें आखेआ कि प्रधानमंत्री आवास योजना दी मदद कन्नै लोकें दा अपने घर दा सुखना मूर्त रूप लेई सकेया ऐ ते आयुष्मान भारत नै लोकें गी सेहत सुरक्षा प्रदान कीती ऐ।

Noida Airport

उत्तर प्रदेश दे जेबर स्थित नोएडा अंतरराष्ट्री ब्हाई अड्डे सवां बवसायिक डोआरियां अज्जे थमां शुरू होई गेइयां न। सिविल हवाबाजी मंत्री किंजारपु राममोहन नायडू होरें अज्ज उद्घाटन समारोह दुरान आखेआ कि पैहले गेड़ च इस ब्हाई अड्डे दी छमता इक बरे च 1 करोड़ 20 लख यात्रिएं दी होग। इस ब्हाई अड्डे थमां घरेलू ते अंतरराष्ट्री दौनें चाल्ली दियां डोआरियां चलंगन। नायडू होरें आखेआ कि एह ब्हाई अड्डा प्रधानमंत्री नरेंद्र मोदी हुंदे मुख्य भरै च ब्हाई संपर्क गी मजबूत करने दे नजरिए दा नतीजा ऐ।

<><><><><><>

Yoga-Event

आयुष मंत्रालय नै अज्ज नमीं दिल्ली च 12में अंतरराष्ट्री योग दिवस दे बड्डे पैमाने पर आयोजन लेई कार्यक्रमें दी औपचारिक तौरा पर शुरूआत कीती। इस मौके आयुष मंत्री प्रताप राव जाधव होरें नमीं दिल्ली च संवाददाताएं गी दस्सेआ कि मुख्य कार्यक्रम प्रधानमंत्री नरेंद्र मोदी हुंदे नेतृत्व च कोलकाता दे रेड रोड पर कीता जाहंगं उनें दस्सेआ जे इस मौके पर 45 मिनट दा योग प्रोटोकाल आयोजित कीता जाहंग। इस बरे मुख्य दे बक्ख-बक्ख हिस्सें च 100 प्रमुख थाहरें पर अंतरराष्ट्री योग दिवस 2026 दे विशेष आयोजन कीते जा'रदे न। एह पैहल भारत ददी सांस्कृतिक विरासत ऐतिहासिक विरसे ते योग परम्परा गी इक मिक्क करदे होई इक व्यापक राश्ट्री उत्सव दा सरूप प्रदान करोग।

<><><><><><>

Britain Ban Social Media

ब्रिटेन च 16एं बरें कोला हेठली उम्री दे बच्चें लेई सोशल मीडिया प्लेटफार्मे दे इसतेमाल पर पाबंदी लाई दिती गेई ऐ। प्रधानमंत्री कीर स्टारमर होरें इस फैसले गी इक बड्डी ते महत्वपूर्ण गैहू करार दित्ता ऐ। ब्रिटेन सरकार दा आखना ऐ कि सोशल मीडिया पर पूरी चालली पाबंदी कोला अगड़े बधियै ओहू 16 बरें कोला हेठली उम्री दे बच्चें लेई लाइव स्ट्रीमिंग ते ओपरे लोकें कन्नै गल्लबात जनेइएं, नुकसान पुजाई सकने आहली गतिविधिएं गी बी रोकग।

<><><><><><>

FIFA

फीफा विश्व कप च अज्ज स्पेन, अमरीका दे अटलांटा स्टेडियम च ग्रुप एच दे इक मैच च काबो वडें खलाफ खेडग। एहू मैच भारती समें दे मताबक रातीं साड्डे 9 बजे शुरू होग। स्वीडन नै अज्ज मैक्सिको दे मांटेरी स्टेडियम च खेड्डे गेदे ग्रुप एफ दे इक मैच च ट्यूनीशिया गी 5-1 कन्नै हराई दित्ता। उन्नै दुए हाफ च शानदार प्रदर्शन करदे होई फैसलाकुन जित्त हासल कीती। मैटियस स्वान बर्ग नै 88में मिनट च 5मां गोल कीता। इस जित्त दे कन्नै गै स्वीडन नै विश्व कप अभियान च अपनी शानदार शुरूआत कीती ऐ जिसलै कि ट्यूनीशिया गी हाफ टाइम कोला पैहले गोल करने दे बावजूद बी करारी हार दा सामना करना पेआ।

<><><><><><>

मौसम विभाग नै उत्तर पूर्वी भारत ते उप हिमालयी पच्छिम बंगाल च कल धोड़ी भारी बरखा होने दी पेशगोई कीती ऐ। अज्ज रजास्थान, पूर्व उत्तर प्रदेश, उडीसा ते उत्तरी मध्य प्रदेश च अंधी झखंड आहले हालात बने दे न जेदे करी मौसम विभाग नै इनें थाहरें पर ओरेंज अलर्ट जारी कीता ऐ। विभाग दा आखना ऐ जे महाराष्ट्र ते कर्नाटक दे किश हिस्सें च तेलंगाना च आंध्र प्रदेश, पच्छिम बंगाल, उडीसा, झारखंड, बिहार ते दक्खन छत्तीसगढ़ च अगले चार-पंज दिनें दुरान दक्खन पच्छिम मानसून लेई हालात अनुकूल दस्से दे न।

<><><><><><>